

Zenica, 17. 08. 2021. godine
Broj: 713/21

Na osnovu člana 6., člana 17. stav (1), člana 18. stav (1), člana 87. stav (2) i člana 88. Zakona o javnim nabavkama Bosne i Hercegovine („Službeni glasnik BiH“ broj: 39/14), Plana javnih nabavki za 2021. godinu, u skladu sa članom 26. Pravila JU Bosansko narodno pozorište Zenica, a temeljem iskazane potrebe za Javnu ustanovu Bosansko narodno pozorište Zenica u 2021. godini i Ugovora o dodjeli finansijskih sredstava Fonda za zaštitu okoliša Federacije BiH broj: 557/21 od 09. 06. 2021. godine, direktor donosi:

O D L U K U

O POKRETANJU POSTUPKA JAVNE NABAVKE USLUGA PUTEM KONKURENTSKOG ZAHTJEVA ZA DOSTAVU PONUDA

PREDMET JAVNE NABAVKE

Član 1.

Javna ustanova Bosansko narodno pozorište Zenica kao Ugovorni organ, pokreće postupak javne nabavke usluga – **Izrada detaljnog energijskog audita za objekat Bosanskog narodnog pozorišta Zenica.**

Član 2.

Predmet javne nabavke iz člana 1. ove Odluke predviđen je Planom javnih nabavki za 2021. godinu JU Bosansko narodno pozorište Zenica.

VRIJEDNOST JAVNE NABAVKE USLUGA

Član 3.

Ukupna procijenjena vrijednost javne nabavke iz člana 1. ove Odluke bez PDV-a iznosi ≈10.000,00 KM (slovima: desethiljada konvertibilnih maraka).

Član 4.

Nabavka usluga koja je predmet javne nabavke bit će finansirana (sufinansirana) od strane Fonda za zaštitu okoliša Federacije BiH u skladu sa Ugovorom o dodjeli finansijskih sredstava broj 01-09-2-2472/2021 od 15. 06. 2021. godine (broj JU BNP Zenica: 557/21 od 09. 06. 2021. godine).

VRSTA POSTUPKA JAVNE NABAVKE

Član 5.

Javna nabavka usluga iz člana 1. ove Odluke provest će se putem **konkurentskog zahtjeva za dostavu ponuda**. Postupak javne nabavke iz stava (1) ovog člana provest će se u skladu sa odredbama Zakona o javnim nabavkama BiH i podzakonskim aktima.

KRITERIJ ZA IZBOR NAJPOVOLJNIJEG PONUĐAČA I ZAKLJUČENJE UGOVORA

Član 6.

Dodjela ugovora za predmet javne nabavke zasniva se na kriteriju **najniže cijene** prihvatljive ponude. Po okončanju postupka javne nabavke predviđeno je zaključivanje ugovora o nabavci.

KOMISIJA ZA PROVOĐENJE POSTUPKA JAVNE NABAVKE

Član 7.

Postupak javne nabavke usluga po ovoj Odluci provest će Komisija koju posebnom odlukom imenuje direktor JU Bosansko narodno pozorište Zenica.

Formiranje komisije izvršit će se u skladu sa odredbama Pravilnika o uspostavljanju i radu komisije za nabavke („Službeni glasnik BiH“ broj: 103/14).

Član 8.

Ova Odluka stupa na snagu danom donošenja i bit će objavljena na web stranici JU Bosansko narodno pozorište Zenica.

O b r a z l o ž e n j e

Pravni osnov za donošenje ove Odluke sadržan je u članu 18. stav (1) Zakona o javnim nabavkama BiH (u daljem tekstu: Zakon), kojim je propisano da ugovorni organ pokreće postupak javne nabavke donošenjem odluke ili rješenja u pisanom obliku koje obavezno sadrži: zakonski osnov za provođenje postupka javne nabavke, predmet javne nabavke, procijenjenu vrijednost, podatke o izvoru finansiranja, te vrstu postupka javne nabavke, kao i u članu 88. stav (2) istog Zakona kojim je regulisano da je prilikom pripreme konkurentskog zahtjeva za dostavu ponuda ugovorni organ dužan donijeti odluku o pokretanju postupka. Članom 87. stav (2) Zakona, utvrđeno je da ugovorni organ provodi postupak konkurentskog zahtjeva za dostavu ponuda u slučaju da je procijenjena vrijednost javne nabavke robe ili usluge manja od iznosa od 50.000,00 KM, dok je u članu 88. stav (1) Zakona određeno da se zahtjev za dostavu ponuda u provođenju ovog postupka, dostavlja određenom broju ponuđača pri čemu taj broj ne može biti manji od tri, a na portalu javnih nabavki obavezno se objavljuje dodatno obavještenje o nabavci. Istim Zakonom, članom 89. određeno je da je kriterij za dodjelu ugovora u postupku konkurentskog zahtjeva-najniža cijena ili ekonomski najpovoljnija ponuda.

U svrhu izrade detaljnog energijskog audita za JU Bosansko narodno pozorište Zenica kao Ugovornog organ, odnosno prve faze aktivnosti koja podrazumijeva usluge izrade projektne dokumentacije u oblasti energetske efikasnosti, potrebno je provesti javnu nabavku iz člana 1. ove Odluke.

Pri donošenju ove odluke uzeto je u obzir da je predmetna javna nabavka predviđena Planom javnih nabavki za 2021. godinu.

Članom 13. Zakona određeno je da ugovorni organ i za provođenje konkurentskog zahtjeva za dostavljanje ponuda obavezno imenuje Komisiju za nabavke, čije uspostavljanje, poslove i obaveze regulišu odredbe Pravilnika o uspostavljanju i radu komisije za nabavke („Službeni glasnik BiH“ broj: 103/14).

Na osnovu navedenog odlučeno je kao u dispozitivu ove Odluke.



Javna ustanova

BOSANSKO NARODNO POZORIŠTE ZENICA

Miroljub Mijatović
Miroljub Mijatović, direktor

Dostaviti:

1x Upravni odbor JU BNP Zenica

1x a/a JN

1x a/a